

河南方輿紀要序

河南古所稱四戰之地也當取天下之曰河南在所必爭及天下既定而守在河南則岌岌焉有必亡之勢矣周之東也以河南而衰漢之東也以河南而弱拓跋魏之南也以河南而喪亂朱溫篡竊於汴梁延及五季皆以河南爲歸重之地以宋太祖之雄畧而不能改其轍也從而都汴都汴而肩背之慮實在河杜識者早已憂之矣女真之季也懼蒙古之逼乃遷於汴遷汴未已又遷於蔡始爲亡宋之資終爲自弊之地當其亡宋之日豈料其禍之亦中於此哉說者曰洛陽周公所以營成

周也形勝莫尙焉夫周公營洛豈意後世之遂遷而東哉周以幽王之亂而召犬戎之禍惕目前之小警棄創垂之遠圖其遷而東也洛陽岐周同爲畿內地耳使都洛陽而守岐周猶未爲失計乃舉岐西捐之於秦而洛陽之根本不且自撥之哉漢以三河並屬司隸唐以長安洛陽並建兩京此亦得周公之遺意者歟然則河南固不可守乎曰守關中守河北乃所以守河南也自古及今河南之禍中於關中者什之七中於河北者什之九秦人以關中并韓魏漢以關中定三河苻秦以關中亡慕容燕宇文周以關中亡高齊隋之亡也羣雄角逐

而唐獨以先入長安卒兼天下金人之遷河南也蒙古
道漢中出唐鄧而擣汴梁汴梁遂不可守謂關中不足
以制河南之命乎二晉之蠶食鄭宋也光武之南收河
洛也劉聰石勒之畧有河南也鮮卑氏羌縱橫於司豫
之境晉宋君臣切切焉圖復河南分列四鎮求十年無
事而不可得也元魏孝文遠法成周卜宅中土規爲措
置可謂盛強乃僅一再傳而河北遂成戎藪爾朱榮自
河北來矣爾朱兆自河北來矣高歡亦自河北來矣北
中河橋易於平地馬渚硤石捷於一輦而魏以分而魏
以亡也安史以河北倡亂而河南兩見破殘存勗發憤

太原而朱梁卒爲夷滅契丹之辱石晉羅於前女真之
毒靖康被於後河北猶不足以制河南之命乎然則河
南信不可守矣曰河南者四通五達之郊兵法所稱衢
地者是也往者吳王濞之叛也說之者曰願王所過城
不下直去疾西據洛陽雖無入關天下固已定矣楊元
感祖是說以攻東都則敗李密復出此以攻東都則又
敗蓋濞舉江東之衆合諸侯之師誠能西入洛陽則事
勢已就元感李密一朝創起旣不敢用長驅入薊及直
指江都之謀又不能先據上游之勢然後爭衡天下宜
其敗也朱溫假借朝命憑依城社肆其凶狡故能以汴

梁得志劉福通何人也乃欲竊據大梁指揮羣盜察罕以關中河北之師至而奔亡不暇矣夫古未有不可守之地而可以言戰者李光弼所以寧去洛陽而守河陽也以大梁而戰于城下猶有自全之策乎哉或曰今日之河南不旣兼有河北乎曰以河北三郡而附于河南也此固國家犬牙相制之意出於山川條列之外者也夫河北之足以制河南也自昔爲然矣客更端而起曰子不聞南陽可以建都乎曰以河南之全勢較之則宛不如洛洛不如鄴也明矣客曰吾亦嘗聞拓跋氏之說矣拓跋氏曰鄴非長久之地石虎慕容所以覆滅者也

且南有枉人山東有列人縣北有柏人城君子不飲盜
泉惡其名耳此所以去鄴而遷洛也若夫南陽者朱樸
以爲建都極選李綱亦謂光武所興而子乃謂宛不如
洛何歟曰朱氏以唐覆敗之時而獻遷都之議李公於
宋奔亡之日而爲駐蹕之謀皆因時補救出于不得已
之計而非所語於形勢之常也夫鄴倚太行阻漳滏夏
商時固有都其地者戰國之世趙用此以拒秦秦亦由
此以并趙漢之末袁紹不能有其險也入於曹操遂能
雄長中原晉之衰劉琨不能固其險也歿于石勒因以
蹂躪司豫石趙之亡冉閔不能保是險也并於慕容雋

從而兼有山東元魏之季爾朱兆不能用其險也歸於
高歡因而盜竊魏柄迨其後尉遲迥據之以問罪楊堅
則遠近震動漁陽殘孽竊命於此以九節度之師而不
能免於潰敗也魏博以相州爲捍蔽終唐之世常雄於
河朔河東得之遂爲滅梁之本而謂鄴非形勢所在乎
且夫自古用兵以鄴而制洛也常易以洛而制鄴也常
難此亦形格勢禁之理矣彼宛者延岑朱粲所以覆亡
者也蒙古襲入唐鄧所以徑擣汴梁者也乃謂其山川
險固賢於洛陽是溺前人之說而不究其本也曰然則
建都不貴于險固乎曰所謂險固者非山川糾結城邑

深阻之謂也使棄關河之都會遠而求之奧窔之鄉是
猶未見虎之入市而先自竄于櫺穽知水之可以溺人
而坐稿于巖岬也豈所語於形勢之常也哉

讀史方輿紀要卷四十六

龍萬育燮堂校刊

河南一

禹貢曰荆河惟豫州

荆荆山見湖廣襄陽府

周禮職方河南曰豫

州

豫州在九州之中言常安逸又云稟中和之氣性理安舒故云豫也性音生

春秋時爲周

畿邑又爲宋鄭衛諸國地亦兼秦楚之疆戰國時爲韓

魏列國地自河以北則趙境也

今懷慶衛輝彰德三府本古冀州地春秋屬衛

屬晉戰國兼屬趙魏

天官柳七星張則周分野房心則宋分野室

壁則衛分野觜攜參則魏分野角亢氐則韓分野

趙分野見

山西沿革

秦并天下置三川潁川南陽等郡

河以北彰德府則邯鄲郡之南

境漢武置十三州此亦爲豫州而半屬於司隸今河南府及懷

慶府衛輝府皆屬司隸後漢司隸改治洛陽而別置豫

州於譙郡今江南鳳陽府亳州魏因之豫州改治河南安城今汝

北皆屬焉卽彰德府也晉亦分置司州及豫州司州仍治洛陽豫

陳州項城縣而永嘉以後中原蕪沒劉宋常置豫州于

汝南司州於義陽後復失之隋末爲李密王世充等所

據唐分十道此爲河南道開元中爲都畿治東都今河

南治陳留郡及河北道治魏郡今北直大名宋都汴置

京東京西及河北路治大名元豐中又分京東東西

京西南北等路金爲汴京路又改曰南京亦分屬河北

河東等路

懷州屬河東南路彰衛屬河北西路

元置河南江北行中書省

而河北爲腹裏地明初爲河南等處承宣布政使司領

府八州一屬州十一屬縣九十六

總爲里三千八百八十有奇夏秋二稅約

二百四十一萬四千四百七十七石有奇而藩封衛所參列其間今仍爲河

南布政使司

開封府

屬州四

縣三十

祥符縣

附郭

陳畱縣

杞縣

通許縣

太康縣

尉氏縣

洧川縣

鄆陵縣

扶溝縣

中牟縣

陽武縣

原武縣

封邱縣

延津縣

蘭陽縣

儀封縣

新鄭縣

陳州

商水縣

西華縣

項城縣

沈邱縣

許州

臨潁縣

襄城縣

郟城縣

長葛縣

禹州

密縣

鄭州

滎陽縣

滎澤縣

河陰縣

汜水縣

河南府

屬州一

縣十三

洛陽縣

附郭

偃師縣

鞏縣

孟津縣

宜陽縣

永寧縣

新安縣

澠池縣

登封縣

嵩縣

盧氏縣

陝州

靈寶縣

閿鄉縣

懷慶府

屬縣六

河內縣

附郭

濟源縣

修武縣

武陟縣

孟縣

溫縣

衛輝府

屬縣六

汲縣

附郭

胙城縣

新鄉縣

獲嘉縣

淇縣

輝縣

彰德府

屬州一

縣六

安陽縣

附郭

臨漳縣

湯陰縣

林縣

磁州

武安縣

涉縣

歸德府

屬州一

縣八

商邱縣

附郭

寧陵縣

鹿邑縣

夏邑縣

永城縣

虞城縣

睢州

考城縣

柘城縣

汝寧府

屬州二

縣十二

汝陽縣

附郭

真陽縣

上蔡縣

新蔡縣

西平縣

確山縣

遂平縣

信陽州

羅山縣

光州

光山縣

固始縣

息縣

商城縣

南陽府

屬州二 縣十一

南陽縣

附郭

鎮平縣

唐縣

泌陽縣

桐柏縣

南召縣

鄧州

內鄉縣

新野縣

淅川縣